



UNIVERZITET U SARAJEVU

PRAVNI FAKULTET

Odbor za osiguranje kvaliteta

Sarajevo, 16. 12. 2024.

UNIVERZITET U SARAJEVU  
PRAVNI FAKULTET

Broj:

01-2011/24

Datum;

16. 12. 2024 god.

**UNIVERZITET U SARAJEVU – PRAVNI FAKULTET**  
**SAMOEVALUACIJSKI IZVJEŠTAJ ZA AKADEMSKU 2023/24.**  
**GODINU**

Vijeće Univerziteta u Sarajevu – Pravnog fakulteta

Na osnovu člana 10. Pravilnika o akreditaciji visokoškolskih ustanova i studijskih programa (Sl. novine Kantona Sarajevo br. 21/19), a u vezi sa članom 49. Okvirnog zakona o visokom obrazovanju Bosne i Hercegovine (Službeni glasnik Bosne i Hercegovine br. 59/07 i 59/09), člana 80. Zakona visokom obrazovanju (Službene novine Kantona Sarajevo br. 36/22), člana 6. Pravilnika o akreditaciji visokoškolskih ustanova i studijskih programa na visokoškolskim ustanovama u Kantonu Sarajevo (Službene novine Kantona Sarajevo br. 21/19) i člana 14. Pravilnika o sistemu osiguranja i upravljanja kvalitetom Univerziteta u Sarajevu, Odbor za osiguranje kvaliteta Univerziteta u Sarajevu – Pravnog fakulteta (u daljem tekstu UNSA–PFSA), sačinio je Samoevaluacijski izvještaj za akademsku 2023/24. godinu (u daljnjem tekstu: Samoevaluacijski izvještaj).

Samoevaluacijski izvještaj sadrži pregled izvještaja o prolaznosti u akademskoj 2023/24. godini te presjek izvještaja o provedenoj evaluaciji nastave i akademskog osoblja na I i II ciklusu studija u akademskoj 2023/24. godini.



## I

## Izveštaj o prolaznosti u akademskoj 23/24. godini

## I ciklus studija

Godina studija	Prolaznost	
	Zimski semestar	Ljetni semestar
I godina	67,5%	76,2%
	Prolaznost na godini (zimski + ljetni) = 71,85%	
	Zimski semestar	Ljetni semestar
II godina	71,4%	82,2%
	Prolaznost na godini (zimski + ljetni) = 76,8%	
	Zimski semestar	Ljetni semestar
III godina	83,8%	96,5%
	Prolaznost na godini (zimski + ljetni) = 90,1%	
	Zimski semestar	Ljetni semestar
IV godina	79,65%	96%
	Prolaznost na godini (zimski + ljetni) = 87,8%	
	Zimski semestar	Ljetni semestar
<b>I ciklus (akademska 23/24. godina)</b>	<b>81,63%</b>	

Tabela br. 1: Prolaznost po studijskim godinama na I ciklusu studija u akademskoj 2023/24. godini

## II ciklus studija

Smjer	Prolaznost	
	Zimski semestar	Ljetni semestar
Pravo Vijeća Evrope	95,83%	96,66%
	Prolaznost na smjeru (zimski + ljetni) = 96,24%	
	Zimski semestar	Ljetni semestar
Arbitraža i alternativno rješavanje sporova	100%	100%
	Prolaznost na smjeru (zimski + ljetni) = 100%	
	Zimski semestar	Ljetni semestar
Krivično pravo	100%	100%
	Prolaznost na smjeru (zimski + ljetni) = 100%	
	Zimski semestar	Ljetni semestar
Pravno-ekonomski smjer	94,04%	94,05%
	Prolaznost na smjeru (zimski + ljetni) = 94,04%	
	Zimski semestar	Ljetni semestar
Komparativno-pravni smjer	100%	100%
	Prolaznost na smjeru (zimski + ljetni) = 100%	
	Zimski semestar	Ljetni semestar
<b>II ciklus (akademska 23/24. godina)</b>	<b>98%</b>	

Tabela br. 2: Prolaznost po smjerovima II ciklusa studija u akademskoj 2023/24. godini



Na temelju analize podataka o prolaznosti studenata/ica, Odbor zaključuje da prolaznost raste na višim godinama studija, odnosno na II ciklusu studija. Tako je ukupna prosječna prolaznost na I godini studija 72%, na II godini studija 77%, na III godini 90% a na IV 87% (vidi tabelu br. 1.). Na II ciklusu studija prolaznost je značajno iznad 90% a na tri smjera 100% (vidi tabelu br. 2.). Međutim, Odbor preporučuje da se prolaznost na I ciklusu studija analizira na pojedinačnim nastavnim predmetima te da se u eventualnim situacijama izrazito niske prolaznosti na predmetu, razmotre mogućnosti unapređenja nastave i nastavnog procesa. S druge strane, izrazito visok stepen prolaznosti na II ciklusu studija treba razmotriti u kontekstu broja odbranih završnih radova i trajanju izrade rada. Podatke o broju odbranih radova bilo bi korisno razvrstati po spolu.

### **Presjek izvještaja o provedenoj evaluaciji nastave i akademskog osoblja na I i II ciklusu studija u akademskoj 2023/24 godini**

U skladu s Pravilnikom o sistemu osiguranja upravljanja kvalitetom na Univerzitetu u Sarajevu i Poslovnikom o radu Odbora za osiguranje kvaliteta UNSA-PFSA, Odbor za osiguranje kvaliteta je blagovremeno, zajedno sa dekanicom Pravnog fakulteta, Nastavno-naučnom vijeću uputio dva izvještaja o provedenoj evaluaciji nastave i akademskog osoblja na I i II ciklusu studija u akademskoj 2023/24 godini i to u zimskom (29.2.2024. godine) i ljetnom (1.10.2024. godine) semestru.

#### **Način sprovođenja evaluacije**

Evaluacija je u oba semestra provedena online putem eUNSA sistema gdje je osiguran kriterij anonimnosti i dobrovoljnosti. Prilikom sprovođenja evaluacije svi uočeni tehnički problemi su vrlo brzo uklonjeni uz pomoć podrške UTIC- a i Studentske službe PFSA. Sadržaj ankete koja se koristila u postupku evaluacije nastavnog procesa koncipiran je kroz zatvorena pitanja, a na kraju upitnika studentima/cama je kroz otvoreno pitanje ostavljena mogućnost davanja komentara, sugestija i primjedbi.



### Osvrt na analizu – zaključna razmatranja

U pogledu prolaznosti na predmetima I i II ciklusa studija, ona na I ciklusu iznosi preko **80%** odnosno **81,63%** a na II ciklusu studija ovaj procenat iznosi **98%**. Po okončanju svakog semestra, Nastavno-naučno vijeće UNSA-PFSA diskutira o rezultatima prolaznosti uzimajući u obzir i prolaznost na pojedinačnim predmetima oba ciklusa studija. Odbor preporučuje da se ova praksa realizira i na nivou katedri.

Provedena evaluacija nastave i akademskog osoblja ukazuje na afirmativne ocjene studenata/ica kao i na pozitivne trendove u evaluaciji nastavnog i saradničkog osoblja kao i u organizaciji nastavnog procesa. Odbor smatra, uzimajući u obzir procent učešća studenata/ica u evaluaciji, da je potrebno poduzeti dodatne mjere od strane Udruženja studenata i studentica Pravnog fakulteta Univerziteta u Sarajevu. Ove dodatne mjere odnose se na akademsko osoblje ali i sam Odbor a koje se trebaju preduzimati tokom semestra kao i neposredno pred evaluaciju. Nastavno osoblje bi, kako je Odbor i ranije preporučivao, trebalo razgovarati sa studentima/icama o prethodno poduzetim mjerama na temelju evaluacije nastave. Na ovaj način studenti/ce će steći dublje uvide u svrhu evaluacije.

U izvještajima za zimski i ljetni semestar akademske 2023/24 godine, Odbor je zaključio da je anonimno anketiranje uspješno provedeno u oba slučaja. Na osnovu odgovora na „zatvorena“ pitanja i većine komentara i sugestija studenata/ica, može se zaključiti da su studenti/ce zadovoljni/e načinom izvođenja nastave na nastavnim predmetima akademske 2023/24 godine. Ipak, određene primjedbe i sugestije a poboljšanje nastavnog procesa koje su iznesene, istina u izuzetno malom procentu, treba ozbiljno razmotriti na nivou nastavnog predmeta. Odbor posebno preporučuje da se na kraju zimskog, odnosno ljetnog semestra akademske 2024/25. godine, nakon što rezultati anketa budu dostupni nastavnicima/ama i saradnicima/ama, napravi analiza na nivou katedre u kojima bi se posebno adresirala pitanja postotka studenata/ica koji su pristupili popunjavanju ankete na nastavnim predmetima kao i komentari koje su ostavili studenti/ce i prolaznost na pojedinačnim nastavnim predmetima.



**Odbor za osiguranje kvaliteta UNSA-PFSA**

  
**Prof. dr. Edin Halapić – predsjednik Odbora**

  
**Prof. dr. Amila Ždralović- zamjenica predsjednika Odbora**

**Viši ass. Harun Išerić, MA iur**

  
**Viša ass. Lejla Ramić, MA iur**

  
**Mr.sc. Mirela Rožajac-Zulčić**

  
**Rijad Crvenjak**

**Nadina Bajrović**